

**Savaateqarneq, hiistiuteqarneq kiisalu nersussuaateqarneq pillugit Namminersorlutik Oqartussat nalunaarutaat nr. 13, 16. juni 2016-imeersaq**

Nunalerineq pillugu Inatsisartut inatsisaanni nr. 5, 2. maj 1996-imeersumi § 5, § 12, § 13, imm. 2, § 14, imm. 6 kiisalu § 15, imm. 2 malillugit aalajangersarneqarpoq:

*Atuuffii*

§ 1. Nalunaarut manna savanut, hiistinut kiisalu nersussuarnut nerukkaatissat nerukkaasarnerrillu annertussusissaasa aalajangersarneqartarnerannut kiisalu savat, hiistit aamma nersussuit inaasa aaqquissuunneqartarnerannut atuuppoq.

*Nassuiaanerit*

§ 2. Nalunaarummi paasinninnissamik nassuiaatit uku atorneqarput:

- 1) "FE" "Nunani Avannarlerni nerukkaatissanik ataatsimoortunik ataatsinik atuinerattut paasineqassaaq, nerukkaatissat 1 kg-t suaasiassat kimiannut nassuiaatit.
- 2) "Ivikkanit nerukkaatissat" paasineqassapput nerukkaatissat ipaasaqarluartut FE-mut ataatsimut minutsit qulit sinnerlugit atorlugit tamuasassat aamma nerukkaatissat panertortai kiiluugaangata 1 FE-mik annikinnerusut.
- 3) "Nerukkaatissat kimittuut" paasineqassapput nerukkaatissat ipaasaqarpiangitsut FE-mut ataatsimut annerpaamik minutsit qulit atorlugit tamuasassat aamma nerukkaatissat panertortai kiiluugaangata minnerpaamik 1 FE-mik nalillit.
- 4) "Agguaqatigiisillugu ulloq piaqqiviususaaq" paasineqassaaq ulloq angutikuluut savanut akulerutsinneqarnerat nuliartussanngorlugit ullunik 144-nik kingoqqullugu.
- 5) "Naasut naalerlaat" paasineqassaaq qaqqami sivinganerni kujammut-kujammut kimmut sammisuni naasut naalersut.
- 6) "Nunaatilik" paasineqassaaq inuk imaluunniit ingerlatseqatigiiffik Nunalerineq pillugu Inatsisartut inatsisaanni nr. 5, 2. maj 1996-imeersumi § 3-mi piumasqaataasunik naammassinnissimasoq.
- 7) "Nersussuit minnerit" paasineqassaaq nersussuit Dexter-inik nagguillit.
- 8) "Nersussuit annerit" paasineqassaaq nersussuit allanik tamanik nagguillit.

*Nerukkaatissanik pigineqartussanik kiisalu savanik, hiistinik aamma nersussuarnik nerukkaasarnermut piumasqaatit*

§ 3. Nunalerinermik ingerlatalik kinaluunniit savaateqartoq

- 1) ukiut tamaasa kingusinnerpaamik 1. november minnerpaamik 125 FE-nik savanut ataasiakkaanut tamanut nerukkaatissaateqassaaq, taakkunanga minnerpaamik 35 FE-t savanut ataasiakkaanut tamanut ivikkanit nerukkaatissaassapput,
- 2) Savat piaqqiortussat puallarselrugit nuliartitsinissarlugu qaammat ataaseq sioqqullugu nerukkaatissanik kimittuunik nerukkarneqarsimappata, kingusinnerpaamik 1. november ukiut

tamaasa imm. 1, nr. 1-imi pineqartunit 50 %-inik annertunerusunik nerukkaatissaqartitsisoqassaaq, savanut ataasiakkaanut tamanut minnerpaamik 187,5 FE-nik, taakkunannga minnerpaamik 54 FE-t ivikkanit nerukkaatissaassapput.

3) ukiumi tulliuuttumi 1. aprilip nallernerani savanut ataasiakkaanut tamanut minnerpaamik 36 FE-nik nerukkaatissaateqassaaq, taakkunannga minnerpaamik 12 FE-t savanut ataasiakkaanut tamanut ivikkanit nerukkaatissaassapput,

4) piffissami 1. novemberimiit agguaqatigiissillugu ulloq piaqqiviususaaq sapaatit akunnerinik arfinilinnik sioqqullugu savanut ataasiakkaanut tamanut ullormut minnerpaamik 0,5 FE-nik nerukkaasooqartassaaq,

5) piffissami agguaqatigiissillugu ulloq piaqqiviususaaq sapaatit akunnerinik arfinilinnik sioqqullugumiit piffissap piaqqivissap tungaanut savanut ataasiakkaanut tamanut ullormut minnerpaamik 0,8 FE-nik nerukkaasassaaq. Piffissami tassani ivikkanik nerukkaatissat savanut ataatsimut ullormut minnerpaamik 0,27 FE-usassapput, aamma

6) piffissamit piaqqiviusumiit naasunik naalerlaaqalernissaata tungaanut savanut ataasiakkaanut tamanut ullormut minnerpaamik 1,35 FE-nik nerukkaasassaaq, taamaattoq sivikinnerpaamik ulloq 1. maj tikillugu. Piffissami tassani ivikkanit nerukkaatissat savanut ataatsimut ullormut minnerpaamik 0,27 FE-iusaassapput.

*Imm. 2.* Nunalerinermik ingerlatalik nunanik neriniartitsivinnik nersutaatinillu malittarisasaqartitsinikkut aqutsineq pillugu Namminersomerullutik Oqartussat nalunaarutaat naapertorlugu ukiuunerani neriniartitsisarnissamut akuersissuteqarfigineqarsimappat imm. 1, nr. 3-mi minnerpaamik nerukkaasarnissamik piomasaaqat savanut ataatsimut ullormut 0,4 FE-nut appartinneqassaaq, ulluni ukiuunerani neriniartitsisarnissamut akuersissutip atorneqarfiini.

#### § 4. Nunalerinermik ingerlatalik kinaluunniit hiistiuteqartoq

1) ukiut tamaasa kingusinnerpaamik 1. november minnerpaamik 500 FE-nik hiistinut ataasiakkaanut tamanut nerukkaatissaateqassaaq, taakkunannga annerpaamik 300 FE-t hiistinut ataasiakkaanut tamanut ivikkanit nerukkaatissaassallutik, aamma

2) hiistinut ataasiakkaanut tamanut ullormut minnerpaamik 3,0 FE-nik nerukkaasooqartassaaq.

#### § 5. Nunalerinermik ingerlatalik kinaluunniit nersussuaateqartoq

1) ukiut tamaasa kingusinnerpaamik ulloq 1. november minnerpaamik 525 FE-nik nersussuarnut minnernut ataasiakkaanut tamanut nerukkaatissaateqassaaq minnerpaamillu 830 FE-nik nersussuarnut annernut ataasiakkaanut tamanut nerukkaatissaateqassalluni, taakkunannga minnerpaamik 262,5 FE-t nersussuarnut minnernut ataasiakkaanut tamanut kiisalu 415 FE-t nersussuarnut annernut ataasiakkaanut tamanut ivikkanit nerukkaatissaassallutik,

2) nersussuit ataasiakkaat tamarmik ullormut minnerpaamik 4,15 FE-nik nerukkearqassapput.

3) immikkut ittumik nerukkaatissat ivikkat amigaatigineqarnerini Nunalerineq pillugu Siunnersorteqarfimmut qinnuteqaatigineqarsinnaavoq nerukkaatissanik ivikkanik atuinnissamut piomasaaqatip nersussuarnut minnernut ataasiakkaanut tamanut nerukkaatissat ivikkat 131,25 FE-mut annikillineqarsinnaanera aamma nersussuarnut minnernut ataasiakkaanut tamanut nerukkaatissat ivikkat 207,5 FE-t.

§ 6. Savat, hiistit aamma nersussuit tamatigut imersinnaatinneqassapput.

*Nersutit inaasa aaqqissuunneqarnissaannut piumasagaatit*

§ 7. Nunalerinermik ingerlatalik kinaluunniit savaateqartoq nersutit inaateqassaaq, tassani savanut ataasiakkaanut tamanut minnerpaamik  $0,75 \text{ m}^2$ -inik inissaqassaaq kiisalu savanut ataasiakkaanut tamanut 40 cm-inik nerukkaanissamut inissaqartitsissalluni.

§ 8. Nunalerinermik ingerlatalik kinaluunniit hiistiuteqartoq nersutit inaateqassaaq, tassani hiistinut ataasiakkaanut tamanut minnerpaamik  $2 \text{ m}^2$ -inik inissaqassaaq kiisalu hiistinut ataasiakkaanut tamanut 120 cm-inik nerukkaanissamut inissaqartitsissalluni.

§ 9. Nunalerinermik ingerlatalik kinaluunniit nersussuaateqartoq nersutit inaateqassaaq, tassani nersussuarnut minnernut ataasiakkaanut tamanut minnerpaamik  $1,8 \text{ m}^2$ -inik inissaqassaaq kiisalu 65 cm-inik nerukkaanissamut inissaqartitsissalluni nersussuarnullu annernut ataasiakkaanut tamanut minnerpaamik  $2,4 \text{ m}^2$ -inik inissaqassaaq kiisalu 80 cm-inik nerukkaanissamut inissaqartitsissalluni.

*Nersutaatit nalunaarutigineqartarnerat kiisalu nakkutilliineq*

§ 10. Nunalerinermi Nakkutilliisoqatigiit nalunaarut manna malillugu aalajangersakkat aalajangersarneqarsimasut malinneqarnerat nakkutigissavaat.

*Imm. 2.* §§ 3-miit 9-imut malinneqarnissaat qulakkeerniarlugu Naalackersuisut inassuteqartoqarnissaanik inerteqquteqartoqarnissaanillu piginnittup akiligassaanik sulissuteqarsinnaapput, taamatuttaaq nerukkaatissanik ilassutissamik pisiniartoqarnissaanik kiisalu nersutit inaanni naammattumik inissaqartitsisoqarnissaanik imaluunniit nersutit ikilisinneqarnissaannik nalunaarummi matumani piumasagaatit taamaalillutik naammassineqarsinnaasammata.

*Immikkut akuersissuteqarsinnaaneq*

§ 11. Naalackersuisut nalunaarummi aalajangersakkat saneqqunneqarnissaannut akuersissuteqarsinnaapput, ilisimatusarnermut tunngatillugu misissuinerit pissutsilluunniit immikkut ittut tamanna pisariaqalersippassuk.

*Pineqaatissiisarnerit*

§ 12. §§ 3-miit 9-mut aalajangersakkanik unioqqutitsinermi Kalaallit Nunaanni pinerluttulerinermut inatsimmi malittarisassat malillugit akiliisitaasussanngortitsilluni eqqartuussisoqarsinnaavoq.


*Imm. 2.* Inatsisilerinermi immikkoortut inuttut isigineqarsinnaasut assingusumik pinerluttul-  
erinerlut inatsimmi malittarisassat malillugit imm. 1-mut ilaapput.

*Atuutilersitsineq*

§ 13. Nalunaarut una 20. juni 2016-imi atuutilerpoq.

*Imm. 2.* Ilutigalugu Namminersornerullutik Oqartussat savaateqameq hiistiuteqarnerlu pil-  
lugit nalunaarutaat nr. 25, 22. juni 2001-imeersoq atorunnaarsinneqarpoq.

*Namminersorlutik Oqartussat, ulloq 16. juni 2016.*

  
Nikolaj Jeremiassen

  
Jørgen Isak Olsen